



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-406-4/23**
Datum: **23.11.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica „ALBEX GROUPE SIROVINA-KOŽA-KRZNO“ d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta za privremeno skladištenje i primarnu preradu kože u naselju Seoča, općina Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu „ALBEX GROUPE SIROVINA-KOŽA-KRZNO“ d.o.o. Visoko, daje se vodna dozvola za ispuštanje tehnoloških otpadnih voda iz poslovnog objekta za privremeno skladištenje i primarnu preradu kože u naselju Seoča, općina Visoko, na zemljištu označenom kao k.č. broj: 75/1, 204 K.O. Seoča.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama i dr.
 3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „ALBEX GROUPE SIROVINA-KOŽA-KRZNO“ d.o.o. Visoko, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu skladištenje sirove kože, pranjem opreme, te pranjem podova i radnih površina objekata na predmetnoj lokaciji, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se omogući pristup trokomornom separatoru koji se nalazi unutar objekta susjedne firme „FAH KOŽAR“ d.o.o. Visoko zbog čišćenja i održavanja istog a sve da u cilju obavljanja funkcije kao uređaja za tretman tehnoloških otpadnih voda.
 - 3.3. Čišćenje uređaja za tretman tehnoloških otpadnih voda, te odvoz i konačno zbrinjavanje istih, kao i ostalog otpada sa lokacije predmetnog poslovnog objekta za skladištenje kože može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti emisija otpadnih voda utvrđene u Prilogu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).

- 3.6. Otpad koji nastaje u postupku rada objekata za skladištenje sirove kože sa pratećim sadržajima, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
- 3.8. Da se kod pranja koriste sredstva koja su prikladna okolinskim zahtjevima.
- 3.9. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „ALBEX GROUPE SIROVINA-KOŽA-KRZNO“ d.o.o. Visoko, zahtjevom od 18.09.2023 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz poslovnog objekta za privremeno skladištenje i primarnu preradu kože u naselju Seoča, općina Visoko, na zemljištu označenom kao k.č. broj: 75/1, 204 K.O. Seoča.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama upisa u sudski registar broj: 032-0-Reg-20-001083 od 16.11.2020. godine, od strane Općinskog suda u Zenici –ovjerena kopija,
- Ovjerena kopija Uvjerenja o poreskoj registraciji izdatoj od Porezne uprave Kantonalni ured Zenica od 25.03.2004. godine,
- Uvjerenje o registraciji broj 04/1-UPP/1-7632/07 od 01.08.2007.godine, Uprava za indirektno oporezivanje Banja Luka,
- Uplatnica za upravnu taksu u iznosu od 70,00 KM,
- Rješenje o vodnoj dozvoli br. UP-I/25-3-40-688-9/18 od 05.07.2019. godine, izdato od «Agencije za vodno područje rijeke Save» Sarajevo,
- Rješenje o odobrenju za građenje broj: 12-23-2842/05 od 10.10.2007. godine izdato od strane Ministarstva za prostorno uređenje, promet i komunikaciju i zaštitu okoline, Zeničko-dobojskog kantona,
- Rješenje o obavezi pribavljanja okolinske dozvole broj: 12-23-4941-1/12 od 11.03.2019. godine izdata od strane Ministarstva prostornog uređenja, promet i komunikaciju i zaštitu okoline, Zeničko-dobojskog kantona,
- Ugovor broj: 01/19 od 07.03.2019 godine o korištenju objekta za tretman i sakupljanje tehnoloških i sanitarnih voda zaključen sa „FAH-KOŽAR“ d.o.o. Seoča, Visoko,
- Ugovor o čišćenju separatora i septičkih jama od 26.04.2023. godine sklopljen sa „DELTA PETROL“ d.o.o. Kakanj,
- Radni nalog na terenu od 24.07.2023 godine o izvršenom čišćenju separatora-taložnika tehnoloških otpadnih voda,
- Ugovor o deponovanju animalnog otpada zaključen sa JP „VODOKOM“ d.o.o. Kakanj od 17.06.2014 godine,
- Punomoć za Ihtijarević Mersihu od 18.09.2023. godine
- Skica separatora preuzeta iz projekta,
- Izvještaj o monitoringu kvaliteta otpadnih voda iz pogona za skladištenje kože „ALBEX GROUPE SIROVINA-KOŽA-KRZNO“ d.o.o. Visoko, urađen od strane «Inspekt-RGH» d.o.o. Sarajevo, maj 2023 godine,

B. Tehnička dokumentacija

- Izvedeno stanje hidroinstalacije, projekat „ALBEX GROUPE SIROVINA-KOŽA-KRZNO“ d.o.o. Visoko – poslovni objekat za otkup, konzerviranje i privremeno skladištenje sirove kože, urađen od strane „PERSPEKTIVA-inženjering“ d.o.o. Visoko, mart 2019. godine,
- Konačni izvještaj o izvršenoj reviziji projektne dokumentacije urađen od strane „ENCOS“ d.o.o. Sarajevo, april 2019. godine,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-406-2/23 od 11.10.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija na kojoj je izgrađen poslovni objekat za privremeno skladištenje i primarnu preradu kože se nalazi u naselju Seoča, općina Visoko, na zemljištu označenom kao k.č. broj: 75/1, 204 K.O. Seoča.

Na lokalitetu predmetnog poslovnog objekta nalaze se sljedeće cjeline: upravna zgrada, prostor za pregled i prijem kože, magacin za konzerviranje i skladištenje kože, kotlovnica, trokomorni betonski separator masti - uređaj za tretman otpadnih voda sa prelivom, saobraćajne površine i dr.

Osnovna djelatnost firme je otkup, konzerviranje i privremeno skladištenje sirove kože. U magacinskim prostorima se obavljaju sljedeće radnje: prijem sirove ili već usoljene kože, pregled kože, razvrstavanje prema vrsti, kvalitetu i težini, obrezivanje kože, slaganje kože u boksove, konzerviranje kože industrijskom soli, priprema za izvoz (paletiranje i pakovanje). U procesu prerade sirove kože se ne vrši postupak štavljenja kože.

Trenuto se prerađuje cca 550 tona/godinu sirove kože. Na predmetnoj lokaciji se ne vrši pranje kamiona.

Snabdijevanje vodom za tehnološke potrebe predmetnog objekta vrši se iz vlastitog bunara dok za sanitarne potrebe se koristi flaširana voda.

Tehnološke otpadne vode nastaju prilikom prijema, čišćenja i konzerviranja kože, pranja kanala i prostora za deponovanje kože. Ove vode se prikupljaju putem kanalice odvođača na rešetke koje odvajaju krute materije te preko sabirnog okna na tretman u trokomorni separator masti -uređaj za tretman otpadnih voda sa prelivom izgrađen u objektu u vlasništvu susjedne firme „FAH KOŽAR d.o.o. Visoko. Preliv iz separatora se ispušta preko okna za monitoring u rijeku Bosnu. Prilikom uviđaja uočeno je da pristup trokomornom separatoru koji se nalazi unutar objekta susjedne firme „FAH KOŽAR d.o.o. Visoko je otežan te je po izjavi podnosioca zahtjeva biti riješeno a sve u cilju čišćenja i održavanja uređaja.

Izveštaji o ispitivanju kvaliteta tehnoloških otpadnih voda iz pogona za skladištenje kože, urađeni od strane „Inspekt-RGH“ d.o.o. Sarajevo, maj 2023 godine, pokazuju da vrijednosti parametara efluenta su u skladu sa dozvoljenim vrijednostima propisanim Uredbom,

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „ALBEX GROUPE SIROVINA-KOŽA-KRZNO“ d.o.o. Visoko, ispunio minimum uslova za izdavanje vodne dozvole, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.grad.

Dostaviti:

- „ALBEX GROUPE SIROVINA-KOŽA-KRZNO“ d.o.o. Visoko, Seoča bb, Visoko (Prilog-tehnička dokumentacija pod tačkom B. obrazloženja ovog Rješenja)
- ⊖ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo